

11	Թեկոյ Մուրատեան . . . . .	30
11	Պետոյ Յարութիւնեան . . . . .	50
11	Անդրէաս Ղզրէյեան . . . . .	1
11	Սարգիս Հայրապետեան . . . . .	1
11	Յովսէփի Հարսն՝ կինն Պետ- րոսի . . . . .	1
11	Կինն Միկելի . . . . .	20
11	Կինն Յովէի Ափրէի . . . . .	20
11	Գրիգոր Տէր Սահակեան . . . . .	1 20
11	Համբար Բողոյեան . . . . .	60
11	Բաղասար Օհանեան . . . . .	1
11	Յովէյ Պետրոսեան . . . . .	1
11	Պետրոս Կարապետեան . . . . .	1
11	Ենկոյ Սարգսեան . . . . .	1
11	Ասատուր Մուրատեան . . . . .	1
11	Յովհան Ղազոյեան . . . . .	1
11	Աբրահամ Պետրոսեան . . . . .	40
11	Բարսեղ Սաֆարեան . . . . .	40
11	Բազդասար Յարութիւնեան . . . . .	20
11	Գասպար Տեփանեան . . . . .	50
11	Պետրոս Գրիգորեան . . . . .	40
11	Առաքել Խաչոյեան . . . . .	40
11	Պօղոս Մուքէլեան . . . . .	25
11	Երիցուհի Ս. ք. Վարժերն . . . . .	80
11	Աբրահամ Յարութիւնեան . . . . .	30
11	Իլանլեցի Յարութիւնն . . . . .	25
11	Ղազար Տէր Յովսէփեան . . . . .	25
11	Գասպար Յակոբեան . . . . .	25
11	Մովսէս Աժոյեան . . . . .	40
11	Սերոբէ Սահակեան . . . . .	10
11	Բասնցուոց Զարմանն . . . . .	10
11	Բասնցուոց Մարգարիան . . . . .	10
11	Սայեամի Հոռոմն . . . . .	20
11	Գաուստ Վարդանեան . . . . .	40
11	Բօղոյի կինն . . . . .	20
11	Մահտեսի Յակոբն . . . . .	1
11	Սարգիս Բօղոյեան . . . . .	5
11	Քեօսննց Խաչատուրն . . . . .	10
11	Գլանի Մառուկ Գրիգորեան . . . . .	1
11	Նիկողայոս Ղազոյեան . . . . .	1
11	Սարգիս Մանուկեան . . . . .	50

(Շարունակել)

ՍՈՒՐՀԱՆԳԱԿԲ ԲԻԹԱՆԳԵԱՆ.

ՄՈՒՐԱՏԵԱՆ ՎԱՐՅԱՐԱՆ

Ի Փարիզ եղած Մուրատեան վարժա-  
րանի նպատակ և նորա հիմնադրին Սա-  
մուէլ Մուրատայ հարազատ Հայկազնուոյ  
իղծեր գուցէ սակաւուոց ոմանց մերազնեայց  
քաջայայտ լինին. սակայն ոմանք ի Մխի-  
թարեան Հարց ի բաւական ժամանակաց  
հետէ զրեթէ խապառ ներհակ ընթացից ըզ-  
վարժարան մղելէն չգոհանալով, այս մի-  
ջոցն երում, ինչպէս Ջմիւռնիոյ Արշալոյս  
լրագիրն կհաղորդէ, վարժարանը ծախե-  
լոյ և փողերը և դրամազուլը բոլորովին  
օտար նպատակաց գործածելոյ հետա-  
մուտ եղած են:

Այս առթիւ Պօլսոյ Օրադիր Արագիրն  
խորին ուշադրութեան արժանի՝ գեղեցիկ  
և իրաւացի մի խորհրդածութիւն կհրա-  
տարակէ, զոր ստորև կհաղորդեմք մերազ-  
նեայց ընդ յօգուածոյ Արշալուսոյ:

Եթէ Ա. Պօլսոյ Ազգային Վարչութիւն  
կարևոր հանգամանօք և ծանօթու-  
թեամբք տեղեկագրէ առ Արբազնազոյն  
Հայրապետ այս խնդրոյս համար, Նորին  
Արբութիւնն արժան և պէտք եղած միջոց-  
ները ի ձեռս առնլոյ համար երբէք չենա-  
յեր իւր ջանքերը յօգուտ Ակեղիցուոյ մե-  
րում և Աղղի:

Գուցէ ի յաջորդ թիւս կրկին զրեմք  
սոյն խնդրոյ համար:

Ազգային այս վարժարանին վրայօք Փարիզի  
մեր մեծարգոյ թղթակցէն մեզ տրուած տեղեկու-  
թիւնքն խիստ ախտը և ցաւալի են:

Յայտնի է թէ Մուրատեան վարժարանը՝ Հընդ-  
կատանի բնակիչ նոյն անուամբ բարերար երևե-  
լի Հայկազնոյ մը կտակին արկունքն է, և սահմա-

նեալ ի դատարարութիւն Հոյ մանկուոյն աւանց խորութեան կաթողիկէ և բուն Հայու Բայց ամեն մարդ զիտէ որ՝ մինչև ցայսօր այս վերջին պայմանն զանազան պատճառանօք ի գործ չգրուեցաւ յարժաւ վարդապետաց Աննեակոյ Մխիթարեան Միաբանութեան, որուն յանձնուած է նոյն վարժարանին վարչութիւնն՝ զօրութեամբ կտակին մի յօդուածոյն:

Իսկ այժմ Փարիզէն կը ծանուցանեն մեզ թէ՛ Մուրատեան վարժարանը բոլորովին գոցու եր է և անոր մէկ մասը վարձու տրուելով ի Մխիթարեան վարդապետաց Աննեակոյ, դրամը իրենց անձնական պիտոյիցը կը գործածեն: Բաց յայմանէ կը հաւատան թէ՛ Հասունեան զերապայծառին հետ համաձայնելով, յիշեալ վարդապետը ծախու հանած են այս ազգային ստացուածքը և զընող մի յերեան կնիկուն պիտի վաճառեն զայն, և արժէքը անտարակոյս Հասունեանին տնօրէնութեանը համեմատ պիտի գործածուի: Յայտնի է թէ ի սկզբան այս գիտաւոր եկեղեցականն չուզեց որ Մուրատեան դպրոցն ի Աննեակոյ փոխադրուի ի Փարիզ, այլ կուզէր ի Հոռո՞ բերել տալ զայն: Զխարզ և իցէ, այն ժամանակը չկըրցաւ իւր կամքը յառաջ տանիլ իսկ այժմ կրօնական իրաց վիճակը փոխուելով՝ պապական անսխալութեան նոր վարդապետութիւնն հաւատոյ էական մէկ մասն համարեցաւ: ուստի Աննեակոյ Մխիթարեան Միաբանութիւնն պարտաւորեցաւ ընդունել զպապական անսխալութիւնն, և հետեւաբար հարկ եղաւ նմա նաև ճանաչել և ընդունել զՀասունեան զերապայծառն իբրև Պատրիարք Հայ կաթողիկոս՝ կարգեալ Ս. Պապին անսխալ հրամանան:

Եւ որովհետև Հակահասունեան բազմաթիւ Հայ ժողովուրդն յաջողեցաւ ի Ս. Պօլիս իւր ձեռաց ներքև առնուլ Թուրքաստանի մէջ եղած կաթողիկէ Հայ եկեղեցիներն և անոնց անշարժ ըստացուածքը, ուստի ըստ երևմանց՝ Հասունեան զերապայծառն ևս փութացաւ, ի վրէժխնդրութիւն, զՄուրատեան դպրոցն իւր ձեռաց ներքև գնել:

Բայց այս դպրոցն Աննեակոյ Մխիթարեան միաբանութեան չվերաբերիր, այլ ընդհանուր Հայոց

ազգին ստացուածքն է, և նորա տեսչութիւնն միայն յանձնուած է Մխիթարեան Միաբանութեան, ինչպէս կտեանուի ազգային բարեխար՝ Սամուէլ Մուրատեանի կտակէն, որոյ բուն օրինակն Անդրկոյ տէրութեան զիւանատունը պահուած է: Ասան որոյ Մխիթարեան վարդապետը ամենևին իրաւունք չունին վաճառելոյ կամ փակելոյ ըզՄուրատեան վարժարանն:

Ուստի Ս. Պօլսոյ ազգային վարչութեան, նմանապէս Հակահասունեան Հայ ժողովրդեան ծանր ուշադրութիւնն կը հրաւիրեմք այս կարևոր գործոյն վճար, որ զիւրաւ կրնայ կարգադրուիլ արդարութեան սկզբանց համեմատ, եթէ յիշեալ համագրի ժողովուրդքն միաբանելով, բողոքագիր մի մատուցանեն Գաղղիոյ կառավարութեանն՝ միջնորդութեամբ Բ. Գրան:

Ս. Պօլսոյ Հոյ լրագրաց՝ մեր պաշտօնակից եղբարց ազգասիրական ուշադրութիւնն ևս կը հրաւիրեմք այս ծանրակշիռ ինդրոյն վերայ, աղաչելով զնոսա որ հոգ տանին մեր ներկայ յօդուածն իրենց թերթերուն մէջ ևս հրատարակել, զարթուցանելու համար ազգային եռանդն ամեն տեղ յօգուտ ընդհանրութեան Ազգիս:

Արշալոյս Արարատեան Թ. 973, Հոկ. 20:

**Ահաւասիկ Օրագրի խորհրդածուութիւնն ևս:**

Մուրատեան վարժարան մը ունինք ի Բարիզ՝ կտակեալ ի Սամուէլ Մուրատեան ազգային բարեբարէ յանուն ընդհանուր Հայոց ազգի, և տեսչութիւնն յանձնեալ Մխիթարեան միաբանութեան:

Մխիթարեան միաբանութիւնն ընդունելով վերջերս Պապին անսխալականութիւնը՝ անոր հլու գործիք Հասունեանի հրամանաւ այժմ կերբ գոցու է այդ վարժարանը և շէնքն ու ծախու հաներ է կրսն:

Ասոր դէմ կըսէ Արշալոյս՝ Հայոց Ս. Պօլսոյ Ազգային Վարչութիւնը միանալով Հակահասունեանց հետ՝ բողոքագիր մը մատուցանելու են Գաղղիոյ կառավարութեան՝ միջնորդութեամբ Բ. Գրան:

Արշալոյս նախ կը սխալի այդ բողոքագիրը՝ եթէ երբէք տալ պէտք է՝ տալու իրաւունքը Ս.

Պօլսոյ Ազգային վարչութեան տարւոյ, զի Կ. Պօլսոյ Ազգային վարչութիւնը կամ Պատրիարքութիւնը ամենայն Հայոց Պատրիարքութիւնը չէ, այլ ամենայն Հայոց պատրիարքութիւնը Էջմիածնայ Ա.Ե.Տ. Հայրապետութիւնը կամ Պատրիարքութիւնն է, հետեւաբար նա միայն իրաւունք ունի յանուն ամենայն Հայոց ըլլալիք բողոքն ընել առ որ անկ է, Արշաղոյսի այս սխալը թերեւ Խրիմեանի ինքզինք Պատրիարք Հայոց կոչելէն յառաջ եկած ըլլայ. սակայն Խրիմեանի այդ տիտղոսն իսկ իւր վրայ առնելը՝ Էջմիածնայ իրաւանց դէմ բռնաբարութիւն մ'է, զի Ա.Յն. Խրիմեան Պատրիարք՝ է Կ. Պատրիարք, Ամեն. Եսայի Պատրիարք՝ է Երուսաղեմայ Պատրիարք և Ա.Ե.Տ. Գէորգ Աթուղիկոս՝ է ամենայն Հայոց Պատրիարք. այսպէս կը յիշատակուին ասոնք Եկեղեցեաց մէջ. այս է իրենց տրուած տիտղոսը Սահմանադրութեան մէջ. իսկ եթէ մինչ ցարդ չը բողոքեց Ա.Ե.Տ. Գէորգ Աթուղիկոսն Խրիմեանի իր տիտղոսը բռնաբարելուն դէմ, դատմանն ոչ այլ ինչ է՝ բայց եթէ ինչոր մ'ալ այդ առթիւ չը յարուցած ըլլալու մեծ խոհեմութիւնը:

Ար մնայ ուրեմն քննել թէ՛ այդպիսի բողոք մը ընել պէտք է, թէ ոչ:

Այո՛, բողոք մը պէտք է, բայց ոչ թէ միայն անոր համար որ այդ վարժարանը զոցելու կամ ծախելու ելեր է Մխիթարեան միաբանութիւնը հրամանաւ Պապի, այլ բողոք մը պէտք է՝ Մխիթարեան միաբանութիւնը Պապին անսխալական նոր դաւանութիւնն ընդունելէն վերջը՝ այդ կտակին տրամադրած Մխիթարեան միաբանութեան հանգամանքը կորուսած ըլլալովը՝ այլ ևս այդ վարժարանին տեսչութեան իրաւունքէն զրկուած ըլլալուն համար:

Ի՛նչ կը նշանակէ Բողոք ձեւին տակ՝ ստորագրութիւն տալ աշխարհի թէ մեք Պապին անսխալականութիւնն ընդունող Մխիթարեան վարդապետաց մեր մանկանց տալիք դաստիարակութիւնը կընդունինք:

Ոչ մէկ Մուրատեան վարժարան՝ այլ եթէ միւլիոն Մուրատեան կորսնցնելու ալ վտանգը ըլլայ դէմերնին՝ յաւիտեան չենք կրնար այդպիսի ստորագրութիւն ք տալ, զի ազգասպանութիւն է այդ:

Բայ ասկից, չենք կրնար միանալ մասին այս Հակահասունեանց հետ, զի եթէ Հասունեանք անսխալ Պապը կընդունին՝ ասոնք ալ Պապը կընդունին, զի եթէ Հասունեանք այդ վարժարանին մէջ անսխալ Պապին զխաւորութիւնը պիտի քարոզեն, ասոնք ալ Պապին զխաւորութիւնը պիտի քարոզեն:

Արեւի՞ք է արդեօք յուսալ կամ հաւատալ թէ քաթողիկ վարդապետ մը որչափ ալ ազատամիտ և որ կուտակցութենէ կուղէ ըլլայ՝ ըստ ուրում՝ քաթողիկ վարդապետ՝ իր ձեռքն յանձնուած մատաղ սերնդեան՝ այլ և այլ խարէական միջոցներով Պապին զխաւորութիւնը չը քարոզէ, և կամ անոր հակառակ գաղափարներ տայ: — Անկարելի է այդ:

Մուրատեան վարժարանը ամենայն Հայոց կրտակեալ, ուրեմն ինչ որ ամենայն Հայոց է, պէտք է այն աւանդել հոն. Բաթողիկութիւնը իր ամեն բաժանմամբը ամենայն Հայոց չէ, Բողոքականութիւնը ամենայն Հայոց չէ. այս երկուքը քանի որ կան պաշտօնապէս՝ մերն ալ ամենայն Հայոց չը սեպուիր օտար կառավարութեանց դատաստանատան առջև, զի ամենայն Հայք ըսելով՝ քաթողիկն ու բողոքականն ալ միատեղ պէտք պիտի ըլլայ առնել. ուրեմն հոն բնաւ որ և է կրօնք պէտք չէ աւանդել, զի ամենայն Հայոց կրօնական միութիւնը երեքի բաժնուած է, մինչդեռ կրտակն եղած ժամանակ ամենայն Հայոց կրօնքը պաշտօնապէս մէ էր, և ամենքը Էջմիածնայ ամենայն Հայոց Աթուղիկոսութեան իրաւասութեանը տակ:

Արդ եթէ պէտք է բողոքել՝ այդ ալ բողոքովն այս հիման վրայ կարելի է, այն է բողոքել որ՝ այդ վարժարանին մէջ որ և է կրօնք զաս չը տրուի և որ և է եկեղեցական դասատուութիւն չըլլայ, Մխիթարեան միաբանութեան թողլով միայն ըստ կտակին նիւթական տեսչութիւնը. իսկ եթէ չընդունին այս առաջարկութիւնը մենէ բաժանեալ Հայերն, այն ատեն լաւ է որ՝ վարժարանը ծախուի և ստակը ազգային անհաստական թուոց բաղդատութեամբ յանուն իւրաքանչիւր բաժանման ներխայտուցչներուն՝ յանձնուի պանքայի մը, որմէ իրեն ինկած բաժինն ստանալ կը կտա-

կին տրամադրած պայմաններով վարժարան բանան :

Սակայն չը մտնանք դարձեալ յիշել՝ որ այս մասին իրաւասութիւն ունեցող մարմինը յանուն ամենայն Հայոց՝ Էջմիածնայ Վաթիկոզիկոսութիւնն է, որ իւր իրաւասութիւնը կը գործադրէ Ռուսիոյ՝ Անգղիոյ և Տաճկաստանի կառավարութեանց միջոցաւ՝ իրրև կառավարող տէրութիւնք ամենայն Հայոց :

Օրագիր Թ. 1076. Հոկտ. 27.

ՆՈՒՒՐ

ՌԱՐՍԵՂ ՀԱՍՏՃԵԱՆԻ.

Մեծ. Հալաճեան Բարսեղ էֆէնտի այս շաբաթ ընկերակցութեամբ Մեծ. Գէորդ էֆէնտի Չարգարեանի Ազգ. Հիւանդանոցի վարժարանը այցելութիւն ընելով և զայն իւր արգի վիճակին մէջ գոհութեան և շնորհակալեաց արժանի լինելուն գործնապէս վկայելու համար՝ ամիսն 100 Ղ. ամսական թոշակ յատկացուց (բաց ի սովորական նուէրներէն որ տարին 10—20 սկի կը հասնի), և այն պայմանաւ որ ցորչափ իւր գերդաստանը շարունակէ՝ նոյն ամսականն ալ շարունակէ :

Փափաքելի էր որ Մեծ. Հալաճեան էֆէնտի սոյն ազգասիրական և արգիւնարար այցելին և օրինակին հետեւին ուրիշ մեծատուն Ազգայիններն ալ :

Նոյն. Թ. 1072 Հոկտ. 25

Մեր ընթերցողաց յայտնի պիտի լինին Պ. Պօլսոյ Պատրիարքի իրաւասութեան ներքև եղած Ասորոց ձգտումը, յորոց Հայք ոչ մի օգուտ չունինալէն զտա՝ և ոչ իսկ կարօտութիւն ունին և սախափունք կգործեն նոցա վերայ. ուստի միայն իրրև ժամանակակից անցք և տեղեկութիւն կ'յաւելումք հետեւեալները հրատարակել, թէ և սոցա մէջ հետաքրքրական և օգտաւէտ պարագաներ ևս կան մերազնեայ բանիմաց ընթերցողաց համար :

ԱՍՈՐԻՈՅ ԽՆԳԻՐ

Լրագրոյս Է29րդ թուովն՝ Տիգրանակերտէն Ասորոց վրայ տրուած տեղեկութիւն մը հրատարակած, և մեր կողմանէ ալ քանի մը խօսք աւելցուցած էինք :

Ասորոց դեր. Վաթիկոզիկոսին արժ. Փոխանորդն՝ իբր պատասխանի յիշեալ յօգուածոյն՝ հետեւեալ նամակը դրկած է մեզ, որ արժանի է ուշադրութեան :

... Խմբագիր

Լրագրոյդ 829 թուոյն մէջ Տիգրանակերտէն եկած նամակի մը պարունակութիւնը հրատարակուած էր, որուն մէջ՝ Ասորիք իրրև թէ Արժ. Պետրոս Պատրիարքի Բ. Գոնէն Պատրիարքութեան հրովարտակ, և պատուոց նշան ընդունած ըլլալուն՝ և Հայոց Պատրիարքարանի իրաւասութեանէն ելած ըլլալուն կը խոսովին եղեր. . . .

Խմբագիր, դուք ալ ասոր վրայ դիտողութիւն ընելով այսպէս կրսէք, թէ՛ « Ասորիք իզուր կը խրատովին, որովհետև Բ. Գոնէն դեռ այս մասին որ և է անօրինութիւն ըրած չէ, թէպէտ և Ասորոց Պատրիարքին կողմանէ առաջարկութիւն եղած է Բ. Գոնէն, բայց Հայոց Պատրիարքարանի և Բ. Գոնէն մէջ խնդիրը մնաց ի կախ. բաժանման խնդիրն ընող Պատրիարքին ընտրութիւնը վաւերացած չէ տակաւին, և կարծեմք Ասորոց մեծադոյն մասն չին ուզեր պատրիարքանայն և ըն. . . . Վերոգրեալ նամակը իւր ստորտար ստորագրութիւն չունենալուն, մեզ համար կարևորութիւն չունի, և փոքրամասնութեանց ալ մտնալ մեզ անվայել, միայն գործոյն համապատասխանը ի դիր առեալ ձեզ կը հաղորդեմ, որպէս զի այս խնդրոյն նրկատմամբ նամակ կամ՝ որ և է գրութիւն մը եթէ հրատարակէք՝ արդարութեանէ չըջեղիք. Արժանապատիւ Պետրոս Պատրիարքի ընտրութիւնը, վաւերացումը և օծումը եղած, և բոլոր Ասորիք Պատրիարք ընդունած ընթացած խնդիր մ'է, աօիկայ բնաւ տարակոյս չը վերցնէր, և ասկէց յայտնի կերևայ թէ ձեզի տեղեկութիւն տուող նամակին հեղինակը կամ ինքը Ասորի չէ, կամ, եթէ է, ուրեմն մեր ազգի վրայ բնաւ գաղափար մը չունի եղեր. հոս արժան է ուրիմն պատմել ընտրութիւնը համառօտիւ :